



ÅRDAL KYRKJE



BYGLAND KYRKJE



SANDNES KAPELL



SANDNES KYRKJE



AUSTAD KYRKJE

Kyrkjebladet

Nr. 2 - 2025 - 82. årgang

FOR BYGLAND




Sommargudstenste i Sandnes kapell. Foto: Susanne Hegenscheidt

Dette kan du lese om i Kyrkjebladet:

**Andakt • På kyrkjeveg frå Åseral til Bygland • Bibel- og naturcamp
Kyrkjesorg i Austad sokn • Sommarkonsert • Konfirmantane
Sommarfest • Dugnad på kyrkjegardane • Kultur- og songkveld**

Skaparverket er eit sterkt vitne- mål om ein kreativ intelligens!



«For i han er det vi lever og rører oss og er til.» Dette er eit sitat frå Paulus sin mektige tale på Areopagos. Areopagos er ein del av tempelhøgda i Athen. Her heldt Paulus ein tale til Areopagosrådet.

Skaparen av himmel og jord

I denne talen legg Paulus vekt på å forklare at Gud, han som har skapt himmel og jord, han bur ikkje i noko som er laga av menneskehender. Athen var full av religiøsitet på denne tida, men det var i form av gudebilete og gudefigurar.

Men Paulus var klår på at slike fig-

urer og bilete ikkje kan vere skaparar av himmel og jord. For i denne talen seier han blant anna dette: «Gud som har skapt verda og alt som i henne er, han som er herre over himmel og jord, han bur ikkje i tempel som er bygde med hender.»

Gudspartikkelen

Paulus meiner at dette burde vi alle skjønne. For når ein ser på skaparverket, alt frå det gigantiske universet, heilt ned til livet her på jorda, og vidare ned til dei minste atomar, så må det vel være klart for alle at det står noko stort og mektig bak alt dette.

Nokon trur på at ein stor smell (The Big Bang) er opphavet til alt, og andre trur at ein liten partikkel er opphavet (Higgs partikkel, også kalla Gudspartikkelen). Dei om det. Dei må vel også ha ei sterk tru, for korleis kan det oppstå liv og alle slags viselege innretningar av ein smell eller ein liten partikkel?

Tenk berre på alle planetane, korleis dei går i faste banar rundt sola, og korleis vår eigen klode snurrar og vendar på seg, slik at vi har natt og dag og dei fire årstidene. Alt pinleg nøyaktig!

Tenk på lufta som vi pustar i, og vatnet som er grunnlaget for alt liv. Tenk på molda som plantane veks i, som er eit lite univers av liv i seg sjølv! Utan alt dette kunne vi ikkje leve. For meg er det vanskeleg å tru at alt dette er eit samanfall av tilfeldigheter.

Alt er så viseleg

Paulus utdjuar kva han står for og tenkjer i Romarbrevet. Berre sjå her kva han skriv i det første kapitelet: «For det ein kan vita om Gud, ligg ope framfor dei; Gud har sjølv lagt det ope fram. For hans usynlege vesen, både hans evige kraft og hans guddom, har menneska kunna sjå og skjønne av gjerningane hans heilt frå verda vart skapt.»

Dette at Gud har skapt alt og innretta alt så viseleg, var på ingen måte nokon ny tanke. Da den mektige kong Salomo (i all sin prakt) skulle innvie det nybygde og storslagne tempelet i Jerusalem, så sa han dette: «Sjå, himmelen og himlars himmel kan ikkje rømme deg, langt mindre dette huset som eg har bygd!»

Også kyrkja sin første martyr, Stefanus, heldt ein tale om dette til Øvstepresten og det jødiske rådet. I denne talen siterer han eit skriftord frå profeten Jesaja, og der seier Gud: «Himmelen er mi trone, og jorda er min fotskammel. Kva slag hus kan de byggja for meg, seier Herren, eller kvar er staden der eg kan kvila?»

Undring og respekt

Det er eit ord som har blitt viktig for meg i møte med dei bibelske tekstane, og det er ordet undring. Og viss ein også legg til at ein må ha med seg ein god porsjon respekt for det som har med Gud og Guds skaparverk

Kyrkjebladet for Bygland

Redaktør:

Olav Nilsen

Telefon: 982 99711

kbnilsen@hotmail.com

Layout/ombrekk:

Erik Dyngvold

Trykk:

Bjorvand & Co

å gjerna, så har ein eit godt verktøy i møte med Bibelen og livet som vi lever.

Eg minner ofte meg sjølv på noko som står hos profeten Jesaja: «For mine tankar er ikkje dykkar tankar, og dykkar vegar er ikkje mine vegar, seier Herren. Som himmelen er høgt over jorda, slik er mine vegar høgt over dykkar vegar og mine tankar høgt over dykkar tankar.»

Det er interessant å freista å forstå korleis alt fungerer. Alt frå lovane innanfor fysikk, matematikk og kjemi til biologi, om korleis alt liv fungerer.

Det er da eg vil istemme noko som Kong David skriv i salme 139: «Eg takkar deg fordi eg er skapt på skræmeleg underfull vis. Underfulle er dine verk, det veit eg så vel.»

Djup av rikdom og visdom og kunnskap hos Gud

Og Paulus er også fylt av undring og respekt når han beskriv Guds vesen: «Å, for eit djup av rikdom og visdom og kunnskap hos Gud! Kor uransakelege hans dommar er, og kor ufattelege hans vegar! Kven kjende Herrens sinn, eller kven var rådgjevaren hans? Kven gav han noko først så han skulle få vederlag? Av han og ved han og til han er alle ting. Han vere ære i all æve! Amen.»

Så lat oss møte dagane, og skaparverket som vi er ein del av, med undring, takksemd og respekt, slik Kong David gjorde da han skreiv salme 23: «Han lèt meg liggja i grøne enger, han fører meg til vatn der eg finn kvile.»

Kunstig intelligens

Eg spurde ein kunstig intelligens om kva ein kan seie om skaparverket. Og svaret var slett ikkje så dårleg: «Skaparverket er eit vitnesbyrd om ein kreativ intelligens som overskrid menneskeleg forståing.» Og denne kreative intelligensen kallar eg Gud.

Men Gud er ikkje berre skaparen. I 1. Johannes brev kan vi lese at Gud er kjærleik. Og i det verset ligg det mykje. Gud har skapt oss menneske med kjærleik. Men kor denne kjærleiken finns i våre kroppar er det ingen som

Kyrkjebladet for 50 år sidan - 1975

Gåver til Kyrkjelydsbladet

Knut Tveit 5, Asulv Tveit 5, Anne S. Kyrvestad 5, Sigrid Berås 5, Birgit Grønum 10, Anne A. Tveit 10, Daniel O. Tveit 5, Olav D. Tveit 5, Birgit A. Tveit 10, Gunnar Tveit 10, Amund Tveit 10, Olav S. Langeid 10, Olav O. Tveit 10, Olav B. Langeid 10, Amund Tveit 10, Asmund Tveit 10, Ingrid Hellen 5, Solfrid Vestøl 5, Tarkjel D. Tveit 5, Sigrid O.J. Sordal 10, Gro Sordal 5, Birgit Hagnes 5, Johans Sordal 5, Britt Sordal 9, Tarald A. Sordal 5, Amund T. Sordal 5, Daniel Sordal 10, Birgit Thorkildsen 10, Astrid Lund 10, Tone Sæghus 5, (Elvind Bakke, Synnøve Berntsen, Thora Bakke & Sigrid Lislevand 20), Gunstein Haugå 10, Birgit Haugå 10, Solveig Steinsland 10, G.A. Vollen 10, Margit T. Besteland 10, Anne G. Attestog 10, Anne G. Skomedal 10, Lillian & Asmund J. Langerak 25, (Anne Helle, Mari Langerak, Neri Skjevrak 30), Torjus Heistein 20, Mikkjel Lauvdal 20, Inga Bjørg Helle 5, Gunhild Njå 10, Grunde Frøyra 10, Gyro Gakkestad 10, Arne Gautestad 10, R. Hausvik 10, Jorunn Vatnedalen 10, Omund Frøyra 5, Knut Dale 10, Anne Haugå Horverak 10, Margit Bø 10, Arne Guldsmidmoen 10, Aksel Fjeldberg 10, Knut Sletta 10, Gunnar Gr. Austad 10, Birgit Tangen 5, G.O. Heistad 5, Knut G. Heistad 5, Liv Fossetal 5, Hallvor O. Heistad 5, Tore Heistad 5, Olav Bj. Heistad 5, Targjerd Heistad 5, H. Slettevollen 5, Gyro Vestøl 5, Siri Ose 10, Daniel Austad 10, Knut Austad 10, Olav E. Austad (e) 10, Birgit N. Austad 5, Bjørn & Olav Viki 20, Daniel G. Austad 10, Olav G. Austad 10, Tarkjel Austad 10, Grunde Gr. Austad 10, (Mari Holmesland, Vilborg Hovet, Kristian Stubseid 30), Olav O. Heistad 10, Sigurd A. Langeid 10, Amund Nomeland 10, Knut S. Langerak 10, Anne T. Tone G. & Amund S. Skomedal 40, Gunstein Faremo 10, Knut Haugen 10.

Hjarteleg takk

Frå heim og kyrkje



RYGLAND

Døpte:
19/1 Irene Moe.

Avlidne:
20/2 Sæve Stuttstog, f. 17-1-1907.
19/2 Margit Haugaa, f. 28-11-1895.

ARDAL

Døpte:
23/3 Amund Krossen Kjetså.
2/3 Mona Grelbesland.
31/3 Linda Helene Kjetså.

Avlidne:
10/4 Johan Madshaven, f. 6-9-1920.

AUSTAD

Avlidne:
6/4 Tone Langeid, f. 27-7-1896.

SANDNES

Avlidne:
4/4 Torgeir Torbjørnson Haugen, f. 10-3-1889.

KUNNGJERINGAR

Vestl. Indremisjon har vår møte i Bygland kyrkje, søndag 25. mai. Det blir møte kl. 11.00 og kl. 15.00.

Hornnes kr. artianarlag vitjar Årdal måndag 26. mai og Bygland torsdag 29. mai. Det vert møte i kyrkjene kl. 10.30. Kollekt.

Sundagsskolen - Sørlandets krets, har kretsmøte i Valle, søndag 1. juni. I det høve vert det møte i Bygland, Sandnes og Austad kyrkjer kl. 11.00 ved tilreisande talarar. Kollekt på møta.

Soknepresten - ferie. Eg reknar med 14. dagers ferie i tida: 16.-29. juli. Sokneprest Leithaug, Evje, blir vikar.

Før og nå

Den første 17. mai-fest på Byglandsfjord vart skipa til av lærar Olav Sandnes. Han gjorde dette for elevane sine, og festen vart halden i heimen hans. Eg trur ikkje me betala inngangspengar. Men han hadde fenge nokre kvinner til å koke sjokolade, og maten var kavringar, som me totte var både fine og gode. Sandnes fortalde litt om meininga med 17. mai, og me song nokre songar som høvde for dagen. At det var ein gild fest, er sikkert. Han har vore i minnet i 80 år.

Knut Vatsend

Festeavgift for graver

Festeavgifta er høgda til kr. 20.- for kvar 20 års-periode. Dei pårørende må sjøve syte for å betale inn festeavgifta innan festeperioden går ut. Grava kan i anna fall verta sletta. Dette vert i praksis slik: Den som ynskjer å feste gravplass eller sikre gravplassar som er over 20 år, må vende seg til kyrkjevergene. Desse er: Årdal: Olav Løyland, Bygland: Salve Haugen, Sandnes (Araksbø): Torjus Haugen, Austad: Jon Tveit, for Sandnes kyrkjegard: Knut P. Sandnes. Ein gjer elles merksam på § 9. i Vedtekter for kyrkjegardene i Bygland.

veit. Men det er likevel ingen som vil nekte for at kjærleiken finns.

Gud er ånd.

Det same kan ein seie om Gud. Gud er ånd. Vi kan ikkje sjå Gud, men det er mi sterke tru og overtyding at han likevel finns. Det ser eg av Hans gjerningar.

Men det at Gud er kjærleik betyr også at han elskar kvar einskild av oss

menneske. Og sjølv om vi skulle vere trulause, så er han trufast. Det er noko Paulus skriv til sin medarbeidar Timoteus: «Er vi trulause, så er han endå trufast, for han kan ikkje forneakta seg sjølv.»

Guds reine og fullkomne kjærleik står fast til evig tid. Og den syner seg i det at Han sende son sin til oss, til soning for alle våre synder, til liv og evig sæle!

Hva med en oval weekend i Budapest?

Luksus og komfort fra 75 euro pr. natt i lavsesong

Sentralt

beliggende leilighet, 200 m

fra Nasjonalmuseet, leies ut for kortere

eller lengre tid. To soverom (2+1), i 1. etasje.

Tilbaketrukket fra gaten, overhodet ingen støy.

Se leilighetens nettside. Kontakt administrator per

e-post, på engelsk. Det er forresten gratis offentlig

transport i Budapest for EU/EØS-borgere over 65

år, noe som gjør en vakker og interessant by

enda mer tilgjengelig for oss som er blitt

godt voksne. Budapest er vakker,

kom og se selv!



Muzeum Apartman, 1088

Budapest, Muzeum krt. 10. fsz 8/A

Manager: Hallai Krisztina

Tel: +36 20 807 2558

www.muzeumapartman.com

Email:

muzeum.apartman@gmail.com



På kyrkjeveg frå Åseral til Bygland!

Søndag 17.august gjentek me suksessen frå i fjor, og gjeng på nytt “På kyrkjeveg”! Men i år gjeng turen motsatt veg - det vil seie frå Espelid i Åseral til Skomedalsheia i Bygland.

Tekst: Olav Nilsen

Foto: Trond I. Sloreby og Olav Nilsen

Og i år vert Kari Røynlid og Olav Grenstad med som guidar og kjents-folk på turen over heia.

Det er avtalt busstransport på bae sider, slik at Byglendingane kan verta skyssa til Åseral, og slik at gilde Åsdølar kan verta skyssa attende til sine heimtrakter etter turen.

I år vert fellesgudstenesta i Sandnes kyrkje Åraksbø kl.19.00.

Før gudstenesta vil deltakarane få servert god mat og drikke etter den lange turen over heia.

Nærare detaljar om avgangstider m.m, kjem ein attende til når tida nærmar seg.

Velkomen til “På kyrkjeveg”! Arrangør er Åseral sokneråd og Bygland og Årdal sokneråd.





Bygland bibel- og naturcamp

Med fokus på Israel og bedehusrevy med "Han innante & Sønner"! Programmet for årets bibel- og naturcamp 2025 på KVS Bygland byr på mange spennende innslag.

Tekst og foto: Olav Nilsen

Årets camp går i år av stabelen fra søndag 6. til søndag 13. juli. Også i år blir Jostein og Esther Janøy med på alle kveldsmøtene.

De har bakgrunn fra pinsebevegelsen, men er godt kjent med misjonsfolket på bedehusene rundt omkring.

Jostein Janøy har vært både pastor og misjonær – i tillegg til at han har utgitt flere bøker. Sammen med sin kjære Esther vil de spille og synge for oss hver kveld!

Torsdagen og fredagen

Torsdag kveld er temaet "Med fokus på Israel".

Her vil flere spennende gjester dukke opp, og vi lover dere en interessant og tidsaktuell kveld med fokus både på misjon, bibelens profetier og aktuelle begivenheter i Bibelens eget land!

Fredag kveld dukker "Han Innante" Toralf Nordbø opp! Han og sønnene vil synge på kveldsmøtet, og etter kaffipausen blir det "Bedehusrevy" av beste merke!



Barn og ungdom

Barn og ungdom er et viktig innslag på Bygland bibel- og naturcamp, og i år får vi hjelp av Ingrid Engedal som vil ta seg av de barna som har begynt på skolen.

Edvard Foss har egne bibelsamlinger for ungdommene, og for barna under skolealder vil vi også ha et eget opplegg.

Asle Hetlebakke har nå vært på camp'en flere ganger, og begynner virkelig å bli varm i trøya. Vi gleder oss til å høre hva han vil dele med oss denne uka gjennom sine daglige bibeltimer.

Lørdagen

Lørdag 12. juli blir en innholdsrik dag! Da er det Matmarknad på Ose, og andre spennende aktiviteter på camp'en. På kvelden blir et sang- og musikk møte med virkelig stor musikkalsk bredde!

Jostein og Esther Janøy blir med oss, Vonheimkoret deltar, og Byglands nye organist og pianist Erik Hodnemyr spiller både svingende gospel og vakre salmer akkompagnert på fiolin av sin kone Benedikte Samseth Hodnemyr. Etterpå fyrer vi opp grillen og koser oss på nok en vakker sommerkveld!

Fysiske aktiviteter

Ingen bibel- og naturcamp uten fysiske aktiviteter av ulike slag. På fredagen blir det misjonsløp, og



turer til fjells med fisking og bading blir det anledning til både to og tre ganger i løpet av uka.

Men for de som heller vil holde seg i ro ved teltene, vil vi i år som tidligere år ha ulike tilbud i nærområdet. Og de som bare vil sitte rett opp og ned i solveggen, får selvsagt lov til det også.

Overnatting

Skolen tilbyr ypperlige overnattingsmuligheter i gode internatbygg, men mange velger også å overnatte i bobiler, campingvogner og telt.

Vår ypperlige kokk – norsk-tyske Judith Zøllner – serverer velsmakende og hjemmelagede frokoster, luncher og middager av beste kvalitet, men vil en heller lage maten sjøl i bobilen, er det selvsagt også helt i orden.

Kort og godt – her er noe for enhver smak – i ordets aller beste forstand.

Godt fellesskap

Men det viktigste er at vi ønsker å så Guds Ord i hjertene på store og små.

Når vi i tillegg har et godt fellesskap – både sosialt og åndelig – tror vi at løftene om at Guds ord aldri skal vende tomt tilbake – virkelig går i oppfyllelse denne uka i midten av juli – i Norges vakreste dal, Setesdal!

Meld deg på snarest på tlf. 982 99711 eller mail: kbnilsen@hotmail.com for sikre deg plass! Se også vår hjemmeside www.bibelognaturcamp.no

Velkommen til store og små, og til hele familien!

BIBEL- OG NATURCAMP

på KVS-Bygland 6. juli - 13. juli 2025

«Midt i hjertet av Setesdal»

MØTER OG ARRANGEMENTER:

- Barnemøter med Ingrid Engedal
- Bibelsamlinger for ungdommene med Edvard Foss
- Sang- og bedehusrevy med «Han Innante & Sønner»
- Kveldsmøter med tale og sang av Jostein og Esther Janøy
- Eget opplegg for ungdommene om kveldene
- Samlinger for de minste
- Bibeltimer med Asle Hetlebakke
- Med fokus på Israel
- Sang- og musikk-kveld
- Misjonsløp

Tlf: 982 99 711 E-post: kbnilsen@hotmail.com
www.bibelognaturcamp.no

Andakter på Byglandsheimen hausten 2025

Andaktane er annankvar tysdag og tek til kl. 14.00:


12. august, 26. august, 9. september, 23. september, 7. oktober, 21. oktober, 4. november, 18. november, 2. desember, 16. desember og onsdag 24. desember kl. 13.00

Sokneprest Kristine Borgen:
tlf. 469 50 502.


Organist:

Eirik Hodnemyr og Britt Haugen
Andaktsaldarar elles:

Tove Tveitå og Knut Gakkestad



Kyrkjesorg i Austad sokn



Ordet sorg er nært knytta til tap. Me sørgjer når me misser nokon eller noko som står oss nær, og som me er glade i, det vere seg nær familie, slektningar, gode vener eller dyr. Også ting som har stor affeksjonsverdi for oss eller er nært knytta til identiteten vår, kan framkalle ein type sorgreaksjon.

Gry Ilje Tveit og Torhild Austad

I det siste har me høyrte og lese mykje om økosorg – det er den vonde kjensla me får når natur og landskap me er sterkt knytta til, blir forringa eller øydelagd.

I Austad sokn er me mange som kjenner sorg over at kyrkja vår, i alle fall inntil vidare, er teken frå oss – noko som m.a. hindrar oss i å få utført kyrkjelege handlingar som for dei fleste er nær knytta til tradisjon og identitet, nemleg dåp, konfirmasjon, vigsel og gravferd. Verdiane som desse rituala representerer, blir sette opp mot pengemakta og står i fare for å tape den kampen.

Men framleis lever håpet om at både sokneråd og kloke politikarar vil lytte til folkets vilje og la demokratiske spelereglar få styre.

Historisk tilbakeblikk

I Kyrkjebladet nr. 1 – 2025 kan me lese frå eit utklipp for 70 år sidan at det blei installert varmeanlegg i alle kyrkjene i Bygland! Først ute var Austad kyrkje på Tveit den 25. februar 1955. Folk snakka vent om kor lunt det blei i kyrkja. Den 18. mars skulle - i fylgje utklippet - varmeanlegget i Bygland kyrkje vere ferdig. I Åraksbø skulle varmeanlegget vere klart til Palmesundag.

Også i Årdal kyrkje skulle elektrisk



Torhild Austad og Gry Ilje Tveit overrekjar underskriftene til varaordførar Tor Kasin.

varmeanlegg installerast etter at nytt lysopplegg hadde kome på plass.

70 år seinare er desse varmeanlegga bytta ut i Årdal, Bygland og Sandnes (kyrkje og kapell). Men i Austad sokn blei kyrkja mellombels stengd i januar 2023 då det elektriske tilsynet hadde konkludert med at det ikkje lenger var trygt. Kyrkja er framleis stengd for alle kyrkjelege handlingar.

Det betyr at folk i Austad sokn må gjennomføre dåp, konfirmasjon, vigslar og gravferder i andre kyrkjer i kommunen. Dette vedkjem ikkje berre Austad sokn, men i ein liten kommune som Bygland finn me særleg på kyrkjegardane at det har vore mykje flytting mellom sokna, og mange har sine nære og kjære gravlagde litt på «kryss og tvers».

Det er nok grunnen til at vi gjennom prosessen for å få opna kyrkja att, har møtt så mykje sympati og forståing på tvers av (dei gamle) soknerådsgrensene.

Underskriftskampanje

I dei åra kyrkja vår har vore mellombels stengd, har det vore mange ulike markeringar og innspel frå folk i Austad sokn om gjenopning av kyrkja, men så langt utan hell. I påska 2025 blei det samla inn underskrifter i heile Austad sokn med oppfordring

til lokalpolitikarane våre om at kyrkja vår måtte bli opna att. Austad sokn omfattar Langeid, Heggland, Tveit, Moi, Ose, Austad, Heistad og Sordal. Me gjekk frå dør til dør og opplevde berre velvilje – både frå fastbuande og andre med ulik

tilknytning til kyrkja. Også ungdomane var både positive og medvitne om kva ei open kyrkje betyr for både notida og framtida deira.

Underskriftene blei leverte til til varaordførar Tor Kasin som eit innbyggjarforslag. Antal underskrifter var høgt over vilkåret for at saka må handsamast i kommunestyret- jfr Kommunelova § 12-1.

Relativ kostnad

Investeringa i nytt varmeanlegg vil kunne gi oss og våre etterkomarar tilgang til den same kyrkja som forfedrane hadde – i minst 70 år til. Sett i det perspektivet er denne eingongsinvesteringa langt frå «uhorveleg stor» - ein heller beskjeden utgiftspost på det årlege budsjettet. Planane om også å utvikle Austad kyrkje til ei kulturkyrkje, er framleis levande – og vil kunne styrkje heile kommunen – og nabo-kommunane – både sosialt, kulturelt og åndeleg.

*Med venleg helsing
Gry Ilje Tveit og Torhild Austad*

Sommarkonsert i Årdal kyrkje



Tysdag 10. juni var det duka for sommarkonsert i Årdal kyrkje Grendi. Det vart ei musikalsk oppleving av dei sjeldne, og der vår eminente organist og pianist Eirik Hodnemyr trakterte både orgel og piano så vellyden gav gjenklang i både tak og veggar!

Tekst og foto: Olav Nilsen

Men dei som ikkje fekk med seg konserten denne gongen kan ta turen att tysdag 19. august kl.17.00! Då vert det same eineståande musikalske programmet arrangert på nytt!

Konserten vart innleia med kjende folketonar, og der vår eigen songar Gunnar Gautland framførte «Lær meg å kjenne dine veie» med stor innleving på si fagre røyst.

Deretter følgde «Den signede dag» og «Fagert er landet», og det var så desse to fædrelandssongane ljoma over heile Grendi!

På engelsk og dansk

To engelske hymner på vårt engelske orgel gjekk så det suste, før der vart danskanes tur. Kyrkjevevja hadde nemleg med seg 42 danskar som var på tur i dalen, så til ære for dei song me både «Lille sommerfugl» og «Jeg elsker de grønne lunde».

Litt om sommaren måtte me og ha med på ein solfylt sommarkveld, og der songen «I denne fagre sumartid» vart framført i ei «oppjazza» utgåve som verda neppe før har høyrd maken til! For her rykka det både i «rocke- og bluesfoten», og der endåtil høgremannen hans la seg over tangentane før pianisten gjekk inn for landing.

Ekstranummer

Sjølvsagt var det ekstranummer med «Soon and very soon» av «gospelkongen» Andrae Crouch før konserten roa seg med avslutningsnummeret «Den dag du gav oss er til ende».

Men om verda står er sommarkonsertane ikkje til ende, for det vert som nemnd eit nytt høve tysdag 19. august!



Konfirmasjon i Bygland kyrkje 31. mai

Trusopplærer Janne Theodora Wikstøl, Ida Marie Frøysnes Emblemsvåg, Åsne Nomeland, Julie Lande, Tage Alexander Kjetså, og sokneprest Kjell Steinbru.



Konfirmasjon i Årdal kyrkje 31. mai

Trusopplærer Janne Theodora Wikstøl, Ellinor Langhelle Åsen, Emilian Dale Eklund, Jenny Feed Lunden og sokneprest Kjell Steinbru.



Dugnad på kyrkjegarden i Åraksbø

Foto: Susanne Hegenscheidt



Dugnad på kyrkjegarden i Bygland

Foto: Ann Cecilie Andersen



Soknerådsmøte og sommarfest på Revsnes!

Tysdag 17. juni var siste soknerådsmøte for sommarferien. Etter soknerådsmøtet inviterte me dei kyrkjeleg tilsette på middag og sosialt samvær.

Tekst: Olav Nilsen

Foto: Susanne Hegenscheidt

Det vart ein hugnadssam kveld med heile 12 personar til bords!

Etterpå samla me oss i biblioteket, der sokneprest Kjell Steinbru fekk overreikt ei flott tine i bryllupspressang. Han gifta seg nemleg laurdagen før, og det måtte jo markerast. Tina var sjølv sagt laga av vår lokale trekunstnar Bjarne Nordgarden.

Vår nye sokneprest Kristine Borgen var og til stades og kasta glans over arrangementet. Ho hadde sjølv ei helsing og ein presentasjon av seg sjølv, og der kyrkjevevja straks vart korrigerert då han sa ho kom frå Vennesla. For

både ho og vår kjære organist er frå Kvarstein, må veta!

I neste nummer av Kyrkjebladet skal de bli betre kjent med vår nye sokneprest, som tek til i tenesta rundt 1. september.

Den andre Kvarsteinbuen - Eirik Hodnemyr - stod sjølv sagt for dei

musikalske innslaga, og som vanleg gjekk det til tider livat for seg på tangentane!

På toppen av det heile deltok den andre Kvarsteinbuen - Kristine Borgen - med sin velklingande songstemme, og dermed var lukka fullkomen denne fagre sumarkvelden på Revsnes Hotel!





Velkommen til Guds hus, kyrkja di!

Søndag 6. juli

4. søndag i treeiningstida

Friluftsgudsteneste på Austadneset

kl.16.00 ved Kjell Steinbru

Organist: Eirik Hodnemyr

Preiketekst: Matteus 9, 35-38 Grøda
er stor

Takkoffer til Den Norske Israelsmisjon

Søndag 6. - søndag 13. juli

Bibel- og naturcamp på KVS Bygland

Bibeltimer, barne- og ungdomssam-
linger kvar dag kl.10.00 frå måndag
til laurdag. Kveldsmøter kvar dag
kl.19.30 frå søndag til laurdag.

Tale og song av Jostein og Esther Janøy

Fredag 11. juli

Bedehusrevy med «Han innante»

Toralf Nordbø etter kveldsmøtet

Laurdag 12. juli kl.19.30

Song- og musikk møte med Jostein
og Esther Janøy, Vonheimkoret, Eirik
Hodnemyr og Benedikte Samseth
Hodnemyr

Søndag 13. juli

5. søndag i treeiningstida

Familiegudsteneste på KVS Bygland

kl.11.00 ved Jostein Janøy

Organist: Esther Janøy

Preiketekst: Matteus 18, 12-18 Sauen

som gjekk seg vill

Takkoffer til KVS Bygland

Middag etter gudstenesta

Søndag 29. juli

Olsok

Olsokgudsteneste i Sandnes kapell

kl.18.00 ved Kjell Steinbru

Organist: Eirik Hodnemyr

Preiketekst: Lukas 22,24-27 Avskilsord

til dei tolv

Takkoffer til Israelsmisjonen

Grilling på Kyrkjeneset etter gudstenesta

Søndag 17. august

10.søndag i treeiningstida

På kyrkjeveg - fellesgudsteneste

Sandnes kyrkje Åraksbø kl.19.00

ved Tom Martin Berntsen

Organist: Eirik Hodnemyr

Preiketekst: Markus 11,25-26 Tilgjeving

Takkoffer til Normisjon

Pilegrimsmat før gudstenesta

Tysdag 19. august

Sommarkonsert

i Årdal kyrkje Grendi kl.17.00

Organist og pianist Eirik Hodnemyr
speler folketonar, hymner og sommar-
sogar.

Danske og norske fellessogar

Det vert høve til å gje ei gåve til det

kyrkjemusikalske arbeidet

Arrangør: Bygland og Årdal sokneråd

Søndag 21. september

Kultur- og songkveld

i Bygland kyrkje kl.19.00

Terje Vigen i ord og tonar med Svein

Kleivane og Knut Olav Uppstad

Song av Vonheimkoret

Orgelmusikk med Knut Olav Uppstad

Det vert høve til å gje ei gåve til det

kyrkjemusikalske arbeidet

Arrangør: Bygland og Årdal sokneråd

Søndag 5. oktober

17. søndag i treeiningstida

Gudsteneste og avskil med sokneprest

Kjell Steinbru

Sandnes kyrkje Åraksbø kl.16.00 ved

Kjell Steinbru og Kristine Borgen

Organist: Eirik Hodnemyr

Preiketekst: Markus 5, 35-43 Jesus

vekkjer ei lita jente opp frå dei døde

Takkoffer til Vonheim bedehus

Song av Vonheimkoret

Samling i Grendehuset etter guds-

tenesta

Kvittering

Innbetalt til konto

2898 20 05630

Betalingsinformasjon

Gåve til
Kyrkjebladet

Betalt av

Støtt
Kyrkjebladet

vøpps

554108

Betalerens kontonummer

Blankettnummer

6530865305

GIRO

Betalings-
frist

Underskrift ved girering

Betalt til

Kyrkjebladet

Bygland Kyrkjelege Fellesråd
v/økonomiavd. Bygland kommune
4745 Bygland

Belast
konto

Kvittering
tilbake

Kundeidentifikasjon (KID)

Kroner

Øre

Til konto

Blankettnummer

H

<

>

2898 20 05630

<6530865305>

Kultur- og songkveld!

Søndag 21. september
kl. 19.00 vert det **Kultur-**
og songkveld i Bygland
kyrkje. Sett av datoen
allereie no!

«Terje Vigen i ord og tonar» vert då
framført av Svein Kleivane og Knut
Olav Uppstad, og der sistnemnde
har tonesett det heile!

Vonheimkoret er på plass, og
det vert allsong. Kan hende andre
innslag og dukkar opp.

Me vonar dette kan verte ein fin
kveld, især om nett du dukkar opp!
Med vensam helsing Svein Kleivane

Ætt skal fylgja ætterad



Døde:

Stein Sordal

Født: 09.05.1950, død: 07.06.2025

Kyrkjebladet for 70 år sidan - 1955

Visitat i Bygland

Biskop Smidt vil halda visitat i Bygland
2.—6. september i år.

Soknepresten

har ferie frå 2.—31. juli. Pastor H. Midt-
gaard vil stå som vikar.

Gudstenester.

4. søndag e. trineing, 3. juli: Ardal kyrk-
kje kl. 10.30 (10.00). Pastor H. Midt-
gaard. Nattverd.
5. søndag e. tr., 10. juli: Araksbø kl. 10.30.
Pastor Midtgaard. Nattverd.
7. søndag e. tr., 24. juli: Bygland kyrkje
kl. 11. Messe i samband med agronom-
stemna. Pastor H. Midtgaard.

Poenget i Luthers kristendom

Alex Johnson skriver i «Vår Kirke» om
«Poenget i luthersk kristendom»:

Det betydningsfulle ligger fremfor alt
i lutherdommens sentrale stilling i kris-
tenheten. Tar man for seg spektret av
kirkesamfunn, fra pinsevevner på ytter-
ste venstre til Romerkirken på ytterste
høyre, viser det seg straks at lutherdom-
men betegner den gyldne middelvei. Her
forenes det kirkelige dogme med den per-
sonlige opplevelse, her lever bispeskrud
og legmannsbusserull harmonisk side om
side.

Det kommer ikke av at lutherdommen
er noe kompromiss. Men av at den bare
er interessant i én ting: det rene evange-
lium, så får de ytre kirkeskikker være
ordnet som de vil. All verdens kristne
grupperinger er ofte så altfor opptatt av
sine linjer og sitt særpreg og verst av alt:
«sitt syn». Lutherdommens poeng er at
den overhodet ikke tar noe slags syn eller
menneskelig påfunn høytidelig. Derimot
tar den Guds ord alvorlig. For det har
Luther gjenoppgaget på en slik måte at
vi aldri kan glemme det: den kristne hem-
melighet ligger ikke i hans livsstil, hans
gjerninger eller hans fromhet, men bare
i dette ene, at han i Guds ord har funnet
vissnet om at han elsket oss.

Frå kyrkjebøkene.

Døpte.

1. mai. Ardal kyrkje: Anne Marie Hæge-
land. Foreldre: Banevaktar — N.S.B.
— Thorvald Oddleiv Hægeland og k.
Asta, f. Landås.
1. mai. Ardal kyrkje: Stadfesting for
heimedøpt barn Kirsten Bakke, f. 11.
juni 1954. Foreldre: Sagbrukseigar El-
vind Gunnarson Bakke og k. Kristina,
f. Hoff.
8. mai. Austad kyrkje: Eli Paus, f. 31.
mars. Foreldre: Tømmermåler Gun-
nar Severinson Paus og k. Anne, f.
Dale.
29. mai. Bygland kyrkje: Tor Skomedal,
f. 12. april. Foreldre: Murar Nere Tor-
son Skomedal og k. Anne, f. Håkedal.
29. mai. Bygland kyrkje: Johanne Elise
Andersen, f. 14. mars. Foreldre: Skogs-
arb. Torbjørn Andersen og k. Anne,
f. Sandnes.
29. mai. Bygland kyrkje: Anna Haugå,
f. 12. april. Foreldre: Bankkasserar
Knut Knutson Haugå jr. og k. Anne,
f. Løylund.
5. juni. Austad kyrkje: Vidar Frøysnes,
f. 4. mars. Foreldre: Student Håvard
Vrålsen Frøysnes og k. Astrid, f. Moi.

Aviande.

2. mars. Hmiv, barn Knut Vetleson Fare-
mo, f. 6. juni 1954.
6. mars. Gardbrukar h.v., enkjemann
Torbjørn Lidtveit, f. 20. juni 1870.
14. april: Gardbr. kone Gyro Hovden, f. 12.
mai 1879.
17. april: Sagarb. h.v. Olav Gunnarson
Krossen, f. 12. juli 1883.
1. mai: Rentenist Gyro Haugen, f. 9. sep-
tember 1871.
19. mai: Anleggsarb. h.v. Anton Edwin
Martinus Edvardsen, f. 13. januar
1884.

Vigde.

11. jpmi: Sagarbeidar Gunnar Ommund-
son Gaulestad og hmiv. Gyro Segberg.

Bladstyrar: SIGURD ROE

Fædrelandsvennens trykkeri - Kristiansand

Kyrkjelydene i Bygland

Tilsette og kontaklinformasjon

Bygland kyrkjekontor,
Sentrum 18, 4745 Bygland
Bygland kommune: 379 34 700
Heimeside: www.bygland.kyrkjelyd.no
www.facebook.com/Byglandskyrkjene

Sokneprest Kjell Steinbru

Telefon: 473 28 472
kjell.steinbru@kirken.bygland.no

Kyrkjevevje Olav Nilsen

Telefon: 982 99711
E-post: kbnilsen@hotmail.com

Bygland og Årdal sokneråd

Leiar: Gro-Tove Frafjord Sandnes

Mobil: 950 41 185
E-post: gro.tove74@gmail.com

Nestleiar: Susanne Hegenscheidt

Mobil: 941 74 761
susanne.hegenscheidt@bygland.kommune.no

Tilsette

Organist

Eirik Hodnemyr (eige firma)
Mobil: 975 69 885
E-post: eirik@hodnemyr.no

Klokkar og kyrkjetenar, Sandnes

Knut Gakkestad 948 80 383

Kyrkjetenar, Årdal

Tore Moseid. 462 39056

Kyrkjetenar og klokkar, Bygland

Svein Kleivane 977 74 321

Reinhaldarar


Marie Bue (Bygland) ... 482 10 259
Gro Tove Frafjord Sandnes
(Sandnes) 950 41 185
Kari Aud Bakke Svenningsen
(Årdal) 911 80 315

Prostidiakon

Åse Gudrun Thortveit ... 916 85159
E-post: aasegudrun@hotmail.com

Trusoppplærar

Janne Theodora Wikstøl .. 901 21906
E-post: janne.wik@icloud.com



Avsender: Kyrkjebladet for Bygland
v/Olav Nilsen
Skisland 28, 4715 Øvrebo



Glade danskar etter ein tur på Bjoren. Foto: Olav Nilsen